

**UJEDINJENE  
NACIJE**



Međunarodni sud za krivično  
gonjenje osoba odgovornih za teška  
kršenja međunarodnog humanitarnog  
prava počinjena na teritoriji bivše  
Jugoslavije od 1991. godine

Predmet br. IT-08-91-T  
Datum: 19. novembar 2012.  
Original: engleski

**PRED PRETRESNIM VIJEĆEM II**

**U sastavu:** sudija Burton Hall, predsjedavajući  
sudija Guy Delvoie  
sudija Frederik Harhoff

**Sekretar:** g. John Hocking

**Odluka od:** 19. novembra 2012.

**TUŽILAC**

**protiv**

**MIĆE STANIŠIĆA I STOJANA ŽUPLJANINA**

**JAVNO**

---

**ODLUKA KOJOM SE ODOBRAVA DRUGI ZAHTJEV MIĆE STANIŠIĆA ZA  
PRODUŽENJE PRIVREMENOG BORA VKA NA SLOBODI**

---

**Tužilaštvo**

g. Matthew Olmsted  
g. Alexis Demirdjian

**Vlada Republike Srbije**

posredstvom Ambasade Srbije u Kraljevini  
Nizozemskoj, Haag

**Vlada Kraljevine Nizozemske**

**Branioci optuženih**

g. Slobodan Zečević i g. Slobodan Cvijetić za Miću Stanišića  
g. Dragan Krgović i g. Aleksandar Aleksić za Stojana Župljanina

## I. UVOD

1. Pretresno vijeće II (dalje u tekstu: Pretresno vijeće) Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Međunarodni sud) rješava po "Zahtjevu Miće Stanišića za produženje privremenog boravka na slobodi", koji je odbrana Miće Stanišića (dalje u tekstu: odbrana), podnijela 6. novembra 2012. godine (dalje u tekstu: Zahtjev).

2. Pretresno vijeće je Odlukom od 6. juna 2012. godine Mići Stanišiću odobrilo privremeni boravak na slobodi u trajanju od tri kalendarska mjeseca, konkretno navodeći da će prije isteka tog perioda Stanišić imati pravo da podnese zahtjev za produženje privremenog boravka na slobodi u skladu s procedurom koju je odredilo Vijeće.<sup>1</sup> Pretresno vijeće je 27. avgusta 2012. godine produžilo taj period za tri kalendarska mjeseca, konkretno navodeći da određeni uslovi i dalje ostaju na snazi, *mutatis mutandis*, u periodu produžetka.<sup>2</sup>

## II. ARGUMENTACIJA

3. Odbrana traži da Pretresno vijeće ponovo produži period privremenog boravka na slobodi Miće Stanišića pod uslovima određenim za njegov sadašnji privremeni boravak na slobodi ili pod uslovima koje Pretresno vijeće smatra primjerenim,<sup>3</sup> i iznosi tvrdnju da (i) datum izricanja presude u ovom predmetu tek treba utvrditi; (ii) ne postoji rizik Stanišićevog bjekstva i da on ne predstavlja opasnost ni za jednu žrtvu, svjedoka ili drugu osobu u smislu pravila 65(B) i (iii) Stanišić i dalje postupa u skladu s uslovima svog privremenog boravka na slobodi.<sup>4</sup>

---

<sup>1</sup> Odluka kojom se odobrava Zahtjev Miće Stanišića za privremeno puštanje na slobodu, 6. juni 2012. godine, par. 27 (dalje u tekstu: Odluka od 6. juna 2012.).

<sup>2</sup> Odluka kojom se odobrava Zahtjev Miće Stanišića za produženje privremenog boravka na slobodi, 27. avgust 2012. godine, par. 15 (dalje u tekstu: Odluka od 27. avgusta 2012.).

<sup>3</sup> Zahtjev, par. 4.

<sup>4</sup> *Ibid.*, par. 5.

4. Tužilaštvo je 12. novembra 2012. podnijelo odgovor<sup>5</sup> u kojem tvrdi da, s obzirom na prigovore koje je već iznijelo u vezi s privremenim puštanjem na slobodu Miće Stanišića u ovoj fazi postupka, ne zauzima nikakav stav u vezi s produženjem. Međutim, u slučaju da Pretresno vijeće odluči da Stanišiću ponovo produži privremeni boravak na slobodi, tužilaštvo tvrdi da (i) treba i dalje primjenjivati uslove koji su određeni Stanišiću i trenutno su na snazi, (ii) produženi period ne smije prekoračiti 90 kalendarskih dana, i (iii) optuženi treba biti pozvan u sjedište Međunarodnog suda ako prvostepena presuda bude izrečena prije isteka produženog perioda.<sup>6</sup>

### III. MJERODAVNO PRAVO

5. Mjerodavno pravo u vezi s privremenim boravkom na slobodi detaljno je iznijeto u prijašnjoj odluci ovog Pretresnog vijeća kojom je Mići Stanišiću 27. avgusta 2012. godine odobreno produženje privremenog boravka na slobodi i ne treba ga ovdje ponavljati.<sup>7</sup>

### IV. DISKUSIJA

6. Na osnovu svog diskrecionog prava, Pretresno vijeće je 6. juna 2012. godine Mići Stanišiću odobrilo privremeni boravak na slobodi i odlučilo da ga produži za period od tri kalendarska mjeseca nakon što je *de novo* procijenilo osnovanost zahtjeva optuženog u kontekstu okolnosti koje su postojale u to vrijeme.<sup>8</sup>

7. Što se tiče zahtjeva Miće Stanišića za dodatno produženje, Pretresno vijeće podsjeća da se i dalje oslanja na garancije Republike Srbije (dalje u tekstu: Srbija), koje je odbrana podnijela u prilog Stanišićevom zahtjevu za privremeno puštanje na slobodu do izricanja presude, a kojima je Srbija preuzela obavezu da se pridržava svih naloga

---

<sup>5</sup> Odgovor tužilaštva na Zahtjev Miće Stanišića za produženje privremenog boravka na slobodi, 12. novembar 2012. godine.

<sup>6</sup> Odluka od 6. juna 2012. godine.

<sup>7</sup> Odluka kojom se odobrava Zahtjev Miće Stanišića za produženje privremenog boravka na slobodi, 27. avgust 2012. godine, par. 5-6; v. i Odluka kojom se odobrava Zahtjev Miće Stanišića za privremeno puštanje na slobodu, 18. novembar 2011. godine, par. 11-13.

<sup>8</sup> Odluka od 6. juna 2012. godine.

Pretnosnog vijeća "kako bi se optuženi u svakom trenutku pojavio pred Međunarodnim sudom".<sup>9</sup>

8. Za vrijeme tekućeg privremenog boravka na slobodi Miće Stanišića, Ministarstvo unutrašnjih poslova Srbije obavijestilo je Pretresno vijeće da Stanišić i dalje poštuje uslove koji su mu određeni u vezi s privremenim boravkom na slobodi.<sup>10</sup>

9. Pretresno vijeće podsjeća da se Mićo Stanišić dobrovoljno predao Međunarodnom sudu 2005. godine i da je od tada devet puta bio na privremenom boravku na slobodi.<sup>11</sup> Stanišić se do sada pridržavao uslova koji su mu određivani kada je bio na privremenom boravku na slobodi i svaki put se vratio u Pritvorsku jedinicu Međunarodnog suda kada mu je to bilo naloženo.

10. Pretresno vijeće nema razloga da sumnja da će Stanišić prestati da se pridržava tih uslova ukoliko mu Pretresno vijeće odobri zahtjev za dodatno produženje privremenog boravka na slobodi.

11. Pored toga, Pretresno vijeće podsjeća na stroge mjere bezbjednosti koje su određene Mići Stanišiću tokom tekućeg privremenog boravka na slobodi koje, između ostalog, imaju za cilj da eliminišu svaki eventualni negativni utjecaj na žrtve i svjedoke.

---

<sup>9</sup> Zahtjev g. Stanišića za privremeno puštanje na slobodu, 27. april 2012. godine, Povjerljivi dodatak B, str. 2, naglask dodat.

<sup>10</sup> V. Izveštaj Ministarstva unutrašnjih poslova o preduzetim merama na osnovu odluka Pretresnog veća MKSJ od 6. juna 2012. i 27. avgusta 2012. godine u vezi s privremenim puštanjem na slobodu optuženog Miće Stanišića u periodu od 16. oktobra 2012. do 29. oktobra 2012. godine, D18361-D18360, 2. novembar 2012. godine; Izveštaj Ministarstva unutrašnjih poslova o preduzetim merama na osnovu Odluke Pretresnog veća MKSJ od 6. juna 2012. i 27. avgusta 2012. godine u vezi s privremenim puštanjem na slobodu optuženog Miće Stanišića u periodu od 18. septembra 2012. godine do 1. oktobra 2012. godine, D18354-D18353, 5. oktobar 2012. godine; Izveštaj Ministarstva unutrašnjih poslova o preduzetim merama na osnovu Odluke Pretresnog veća MKSJ od 6. juna 2012. i 27. avgusta 2012. godine u vezi s privremenim puštanjem na slobodu optuženog Miće Stanišića u periodu od 4. septembra 2012. godine do 17. septembra 2012. godine, D18349-D18348, 21. septembar 2012. godine; i Izveštaj Ministarstva unutrašnjih poslova o preduzetim merama na osnovu Odluke Pretresnog veća MKSJ od 6. juna 2012. i 27. avgusta 2012. godine u vezi s privremenim puštanjem na slobodu optuženog Miće Stanišića u periodu od 21. avgusta 2012. godine do 3. septembra 2012. godine, D18343-1D18342, 10. septembar 2012. godine; Izveštaj Ministarstva unutrašnjih poslova o preduzetim merama na osnovu Odluke Pretresnog veća MKSJ od 6. juna 2012. godine u vezi s privremenim puštanjem na slobodu optuženog Miće Stanišića u periodu od 7. avgusta 2012. godine do 20. avgusta 2012. godine, D18233-1D18232, 27. avgust 2012. godine.

<sup>11</sup> Odluka od 27. avgusta 2012. godine; Odluka od 6. juna 2012. godine; Odluka kojom se odobrava zahtjev Miće Stanišića za privremeno puštanje na slobodu, 18. novembar 2011. godine; Odluka kojom se odobrava zahtjev Miće Stanišića za privremeno puštanje na slobodu tokom zimskog sudskog raspusta, 3. decembar 2010. godine; Odluka kojom se odobrava zahtjev Miće Stanišića za privremeno puštanje na slobodu tokom ljetnog sudskog raspusta, 16. juli 2010. godine; Odluka kojom se odobrava zahtjev g. Stanišića za privremeno puštanje na slobodu tokom zimskog sudskog raspusta, 11. decembar 2009. godine; Nalog kojim se odobrava da se nastavi privremeni boravak na slobodi, 12. juni 2009. godine; Nalog kojim se odobrava nastavak privremenog boravka na slobodi, 10. juli 2008. godine; i Odluka po Zahtjevu Miće Stanišića za privremeno puštanje na slobodu, 19. juli 2005. godine.

Pretnom vijeću nije skrenuta pažnja ni na kakve nove događaje koji bi ga naveli da preispita prethodnu procjenu da Stanišić ne predstavlja opasnost po svjedoke, žrtve ili neku drugu osobu. Isto tako, Pretnom vijeću nije skrenuta pažnja ni na kakve nove događaje koji bi ga naveli da promijeni stav koji je zauzelo u svojoj Odluci od 27. avgusta 2012. godine da ne postoji opasnost od bjekstva Miće Stanišića. Pretresno vijeće se stoga uvjerilo da su ispunjeni uslovi pravila 65(B) i iskoristiće svoje diskreciono pravo da donese odluku u korist produženja Stanišićevog privremenog boravka na slobodi.

12. Uzimajući u obzir fazu postupka i podsjećajući na svoj zaključak da ne smatra primjerenim da Mići Stanišiću odobri privremeni boravak na slobodi na neodređeno vrijeme,<sup>12</sup> Pretresno vijeće smatra da privremeni boravak na slobodi Miće Stanišića treba produžiti za još tri kalendarska mjeseca, ukoliko u međuvremenu ne odluči drugačije.

13. Prije isteka ovog produženog perioda privremenog boravka na slobodi, Mićo Stanišić može zatražiti dalje produženje privremenog boravka na slobodi u skladu s postupkom navedenim u Dodatku I Odluci od 6. juna 2012. godine. Na osnovu takvog zahtjeva, Vijeće će procijeniti da li bi dodatno produženje bilo primjereno u ovoj fazi postupka, a ako odluči da jeste, tada će *de novo* ocijeniti da li su ispunjeni uslovi iz pravila 65(B) Pravilnika.

---

<sup>12</sup> Odluka od 27. avgusta 2012. godine, par. 13.

**V. DISPOZITIV**

14. Iz gore navedenih razloga i na osnovu pravila 65 i 126bis Pravilnika, Pretresno vijeće:

**ODOBRAVA** Zahtjev;

**ODLUČUJE** da produži period privremenog boravka na slobodi Miće Stanišića od 6. decembra 2012., kada ističe prethodno odobreni period privremenog boravka na slobodi, do 6. marta 2013., ukoliko u međuvremenu ne odluči drugačije;

**ODLUČUJE** da uslovi određeni za tekući privremeni boravak na slobodi Miće Stanišića, kako su navedeni u Odluci od 6. juna 2012., ostanu na snazi, *mutatis mutandis*, za period produžetka odobrenog ovom odlukom.

Sastavljeno na engleskom i francuskom jeziku, pri čemu je mjerodavna engleska verzija.

/potpis na originalu/  
sudija Burton Hall,  
predsjedavajući

Dana 19. novembra 2012. godine  
U Haagu,  
Nizozemska

**[pečat Međunarodnog suda]**